

ԱՐԱՐԱԳԵՏՆԵՐԻ ՀԱՄԱՄԻՈՒԹԵՆԱԿԱՆ ԿՈՆՖԵՐԱՆՍԸ

Հունիսի 23—27-ը Երևանում տեղի ունեցավ արարագետների համամիութենական III կոնֆերանսը, որը հրավիրել էին ՍՍՀՄ գիտությունների ակադեմիան և ՀՍՍՀ գիտությունների ակադեմիան և Երևանի պետական համալսարանը։ Կոնֆերանսին մասնակցում էին Մոսկվայի, Լենինգրադի, Թբիլիսիի, Բաքվի, Տաշքենդի, Դուշանբեի, Ալմա-Աթայի և Երևանի արարագիտական կենտրոնները ներկայացնող մոտ 140 արարագետներ, ինչպես նաև երկու արարագետ Սիրիայից և Սուդանից։ Նախորդ երկու կոնֆերանսները դումարվել են Լենինգրադում։ Այս անգամ արարագետներն իրենց կոնֆերանսի հավաքատեղի ընտրեցին Երևանը, որը վկայում է հայ արարագետների նվաճումների և ծառայությունների ճանաչման մասին։

Կոնֆերանսի պլենար և սեկցիոն նիստերում ընթերցվեց մոտ 110 զեկուցում, որոնցից 18-ը ներկայացրել էին Եգիպտոսի, Սիրիայի, Սուդանի և Ալժիրի գիտնականները։

Առաջին պլենար նիստում զեկուցումներով հանդես եկան ՍՍՀՄ ԳԱ արևելագիտության ինստիտուտի արարական երկրների բաժնի վարիչ, պատմական գիտությունների թեկնածու Ն. Ա. Լեբեդևը («Արարագիտական ուսումնասիրությունների մասին պատմության և տնտեսության բնագավառներում») և նույն ինստիտուտի գիտաշխատող, բանասիրական գիտությունների դոկտոր Գ. Շ. Շաբաթովը («Արարական լեզվի և գրականության ուսումնասիրությունների մասին»)։ Զեկուցողները նշեցին, որ նախորդ կոնֆերանսից հետո ընկած ժամանակաշրջանում սովետական արարագետները հասել են նշանակալի նվաճումների։ Հրատարակվել են մի շարք կարևոր մենագրություններ պատմության, տնտեսության և բանասիրության տարբեր պրոբլեմների շուրջը։ Այժմ արարագիտության կարելի է կենտրոններ են հանդիսանում ոչ միայն Մոսկվան և Լենինգրադը, այլև Վրաստանը, Ադրբեյջանը, Հայաստանը, Ուզբեկստանը և Տաշքենդը։ Զեկուցողներն ընդգծեցին հատկապես այն հանդամանքը, որ միութենական հանրապետություններում առաջացած գիտական օջախներն ունեն իրենց ուսումնասիրությունների ուրույն բնագավառը և թեմատիկայով մեկը մյուսին չեն կրկնում։

Պլենար նիստում արարա-իսրայելական կոնֆլիկտին նվիրված զեկուցումով հանդես եկավ «Պրավդա» թերթի բաժնի վարիչ, տնտեսական գիտությունների դոկտոր Ի. Պ. Բելյակը։

Կոնֆերանսում գործում էին չորս սեկցիաներ՝ պատմության ու տնտեսության, լեզվի ու գրա-

կանության, սեմագիտության և գիտության պատմության ու օժանդակ դիսցիպլինների։

Պատմության ու տնտեսության սեկցիայում ընթերցվեց 32 զեկուցում։ Թեմատիկ առումով նրանք բազմազան էին և ընդգրկում էին հիմնականում արարական երկրների նոր և նորագույն շրջանի պատմության և տնտեսության կարևոր հարցերը։ Զեկուցումների զգալի մասը նվիրված էր ազգային-ազատագրական շարժումներին։ Դրանցից հատկապես պետք է առանձնացնել պրոֆ. Գ. Լ. Բոնդարևսկու (Մոսկվա) «Ազատագրական շարժումը Եմենում և անգլիական գաղութային քաղաքականությունը XIX դ. վերջում», պատմ. գիտ. թեկնածու Ա. Մ. Մենդելշտեյնի (Թբիլիսի) «Ազգային-ազատագրական շարժումը Իրանում 1900—1914 թթ.», պատմ. գիտ. թեկնածու Ջ. Ռուինդեթի (Բաքու) «Իրաքի կոմպարտիայի դիրքը իրաքյան հեղափոխության առաջին և երկրորդ էտապներում», պատմ. գիտ. թեկնածու Շ. Խ. Մեռյանի (Երևան) «Արարական հասարակայնության տարբեր խավերի դիրքը քրդական պրոբլեմի նկատմամբ Իրանում», Է. Հասանովի (Բաքու) «Իթթիհադ աշ Շաբաբ» իրաքի ազգային ուժերի միասնության համար մղված պայքարում» և այլ զեկուցումներ։

Ուշագրավ էր Ն. Ս. Լուցկայայի (Մոսկվա) «Լենինը Մարոկկոյի մասին» հաղորդումը, որտեղ ցույց տրվեց, թե ինչպես Վ. Ի. Լենինը ժամանակին մերկացրել է իմպերիալիստական պետությունների գաղութային քաղաքականությունը Մարոկկոյի նկատմամբ։

Արարական երկրների նորագույն պատմության պարբերացման հարցի շուրջը հաղորդումներով հանդես եկան մոսկվացի գիտաշխատողներ, պատմ. գիտ. թեկնածուներ Վ. Ի. Կիսելովը և Դ. Ռ. Վոլիկովը, որոնցից յուրաքանչյուրը առաջարկեց պարբերացման իր սխեման։

Այս սեկցիայում ընթերցվեցին մի շարք զեկուցումներ, որոնք նվիրված էին համեմատաբար քիչ ուսումնասիրված և կամ վիճելի հարցերի։ Դրանցից էին, օրինակ, պատմ. գիտ. թեկնածու Ե. Ա. Լեբեդևի (Մոսկվա) «Արարական երկրներում «գեմոգրաֆիկ պայթյունի» մի քանի գործոնների մասին», պատմ. գիտ. դոկտոր Ն. Հ. Հովհաննիսյանի (Երևան) «Արարական տարբեր քաղաքական ուժերի վերաբերմունքը երկրորդ համաշխարհային պատերազմի նկատմամբ», պատմ. գիտ. թեկնածու Բ. Գ. Սեյրանյանի (Մոսկվա) «Ազգային ճակատի ձևավորումը Եգիպտոսում 1946 թ.», պատմ. գիտ. թեկնածու

Ռ. Գ. Լանդալի (Մոսկվա) «Մանր բուրժուազիայի քաղաքական դերը արարական երկրներում» և պատմ. գիտ. թեկնածու Ս. Հ. Նաչարյանի (Երևան) «Հայ-արաբական մշակութային կապերի զարգացման սոցիալ-քաղաքական և տնտեսական նախադրյալների մասին» զեկուցումները:

Արաբագետ պատմաբանների զեկուցումների զգալի մասը նվիրված էր միջազգային հարաբերությունների և արաբական երկրների արտաքին քաղաքական կապերի լուսաբանմանը: Ուշագրավ էին պրոֆ. Բ. Մ. Գանցիգի (Մոսկվա) «XIX դ. վերջի և XX դ. սկզբի ռուս-մարոկկոյական հարաբերությունների պատմությունը», Ա. Ա. Բալրամյանի (Երևան) «Ալեքսանդրեոսի սանջակի պրոբլեմը և Անգլիայի ու Ֆրանսիայի դիրքը (1936—1939 թթ.)», պատմ. գիտ. թեկնածու Ն. Ա. Դլինի (Մոսկվա) ամերիկա-եգիպտական հարաբերություններին և պատմ. գիտ. գոկտոր Ա. Գ. Գալստյանի (Երևան) XIV դ. հայ-արաբական հարաբերություններին նվիրված զեկուցումները:

Մի շարք հետաքրքիր զեկուցումներ էին ներկայացրել տնտեսագետները: Դրանց մի մասը նվիրված էր անկախություն նվաճած երկրների կառավարությունների տնտեսական քաղաքականությանը: Այդ հարցերն էին արծարծվում տնտ. գիտ. թեկնածու Վ. Կ. Արիսկինի (Մոսկվա) «ԱՄՀ-ի կառավարության ազդարային քաղաքականությունը», պատմ. գիտ. թեկնածու Լ. Ն. Կոտլովի (Մոսկվա) «Եմենի կառավարության տնտեսական միջոցառումները անկախության նվաճումից հետո», Գ. Ս. Շահբազյանի (Մոսկվա) «Պետական կապիտալիզմի զարգացումը Իրաքում» զեկուցումներում, որոնք շարագրված էին տնտեսական փաստերի վերլուծության հիման վրա: Իրենց սեփական, անկախ նավթային արդյունաբերությունը ստեղծելու համար արաբական երկրների մղած պայքարին էր նվիրված տնտ. գիտ. թեկնածու Ռ. Ն. Անդրեասյանի զեկուցումը (Մոսկվա), իսկ Հյուսիսային Աֆրիկայի երկրների տնտեսության մեջ ժահարայի նավթի դերի լուսաբանման էր նվիրված տնտ. գիտ. թեկնածու Ն. Ա. Արշարունու (Մոսկվա) զեկուցումը:

Տնտեսագիտական բնույթի զեկուցումներից ուշագրավ էին նաև պատմ. գիտ. թեկնածու Ո. Խ. Թովուզյանի (Երևան) հաղորդումը՝ նվիրված հայ առևտրա-վաճառական կապիտալի դերին Եգիպտոսում XIX դ. առաջին կեսին և մոսկվացի գիտնականներ, աշխ. գիտ. թեկնածուներ Վ. Ա. Պուլյաբկինի և Գ. Ն. Ուտկինի միացյալ հաղորդումը արաբական երկրների ուրբանիզացիայի և մեծ քաղաքների առաջացման պրոբլեմի մասին:

Գրականության և լեզվի սեկցիայում ընթերցվեց 43 զեկուցում: Առանձին արաբ գրողների ստեղծագործության վերլուծությամբ հանգեսական բանաս. գիտ. թեկնածու Ա. Ա. Դոլինինան (Լենինգրադ), արվեստագիտության թեկնածու Մ. Յու. Սահակյանը (Երևան), բանաս. գիտ. թեկնածու Վ. Պ. Դեմիդչիկը (Դուշանբե) և ուրիշներ, իսկ գրականագիտական-տնտեսական բնույթի հարցերով զեկուցումներ կարդացին բանաս. գիտ. թեկնածուներ Մ. Տ. Ջեքրաբին (Բաքու), Զ. Լ. Խամիտովան (Մոսկվա), Վ. Մ. Դուլուզադեն (Բաքու), Մ. Շ. Հուսեյն-Ջադեն (Դուշանբե), Լ. Ա. Պետրովան, Ի. Ն. Սոկոլովան (երկուսն էլ Լենինգրադից) և ուրիշ գիտնականներ:

Արաբագետ-լեզվաբանները իրենց հիմնական ուշադրությունը դարձրին արաբերենի զարգացման օրինաչափություններին: Արաբական բարբառներում բառակազմության մի քանի հարցերին էր նվիրված բանաս. գիտ. գոկտոր Դ. Շ. Շաբաթովի (Մոսկվա) զեկուցումը: Մյուս զեկուցումներից հատկապես պետք է նշել պրոֆ. Ա. Ս. Լեկիաշվիլու (Թբիլիսի) «Արաբերենում հոլովների համակարգի դիսկրիմինացիայի վերլուծությունը», պրոֆ. Ա. Ջ. Մամեդովի (Բաքու) «Ազրբեջանցիների համար արաբերեն դասագրքեր պատրաստելու փորձից», բանաս. գիտ. թեկնածու Հ. Մ. Գաբուշյանի (Մոսկվա) «Շարահյուսական ժամանակը արաբերենում», Վ. Մ. Բելկինի (Մոսկվա) «Արաբերեն գրական լեզվի պատմության պարբերացման սկզբունքների մասին», Վ. Ս. Խուսկովսկու (Լենինգրադ) «Հոմանիշների հարցի շուրջը» զեկուցումները: Բանաս. գիտ. թեկնածու Բ. Լ. Չուգաուզյանի հաղորդումը նվիրված էր XV դ. արաբերեն-պարսկերեն-հայերեն մի բառարանի, որը պահվում է Մատենադարանում:

Համեմատաբար փոքրաթիվ էր սեմագետների սեկցիան, որտեղ լսվեցին պրոֆ. Կ. Մեհերբեյու (Թբիլիսի), բանաս. գիտ. թեկնածու Յա. Բ. Գրունտֆեյստի (Լենինգրադ), բանաս. գիտ. գոկտոր Վ. Գ. Ախվլեդիանի (Թբիլիսի) զեկուցումները:

Գիտությունների պատմություն և օժանդակ դիսցիպլինների սեկցիայի մասնակիցները քննության առան գիտությունների պատմության հետ առնչվող և համեմատաբար քիչ ուսումնասիրված մի շարք հարցեր: Բանաս. գիտ. գոկտոր Պ. Ն. Բուլգակովի (Տաշքենդ) հաղորդումը նվիրված էր Օմար Իբն Մուհամեդ ան-Նեսեֆիի անհայտ հանրագիտարանին, իսկ Պ. Ա. Գրյազնևիչը (Լենինգրադ) զեկուցեց արաբների ցեղային տոհմաբանության և արաբական ծագումնաբանության մասին: Այս սեկցիայում ընթերցված զեկուցումներից ուշագրավ էին նաև պատմ.

գիտ. թեկնածու Ա. Ն. Տեր-Ղևոնդյանի (Երևան) «Արաբական ավանդությունը հայերի և հարևան ժողովուրդների ծագման մասին», պատմ. գիտ. թեկնածու է. Տ. Սիլաբուլիձեի (Թբիլիսի) «Յակուտի «Մուջամալ Բուլղանը» որպես Կովկասի պատմության աղբյուր», պատմ. գիտ. թեկնածու Ն. Վելիսանլիի (Բաքու) «Արաբական միջնադարյան աշխարհագրագետ-ճանապարհորդների Կովկասի վերաբերյալ աշխատությունները», պատմ. գիտ. թեկնածու Ե. Ա. Քարավերդյանի (Մոսկվա) «Մադրիբի երկրների իդեոլոգիան XI—XIII դդ.» զեկուցումները:

Կոնֆերանսի եզրափակիչ պլենար նիստում «Արաբական փիլիսոփայության դերը և նշանակությունը համընդհանուր փիլիսոփայության պատմության մեջ» զեկուցումով հանդես եկավ ՀՍՍՀ ԳԱ թղթակից-անդամ, պրոֆ. Վ. Կ. Չա-

լոյանը, իսկ արաբագիտական կադրերի պատրաստման հարցի մասին հաղորդումով հանդես եկան Մոսկվայի պետական համալսարանին կից արևելյան լեզուների ինստիտուտի ռեկտոր, պրոֆ. Ա. Ա. Կովալովը և Երևանի պետական համալսարանի արևելագիտության ֆակուլտետի դեկան, դոցենտ Գ. Մ. Նալբանդյանը:

Կոնֆերանսում «Վ. Ի. Լենինի անվան պետական գրադարանի արաբական ֆոնդը» հաղորդումով հանդես եկավ է. Յա. Օչերովիչը:

Արաբագետների համամիութենական III կոնֆերանսը կարևոր իրադարձություն էր ինչպես արաբագետների, այնպես էլ բոլոր արևելագետների համար և անկասկած կիսթանի արաբագիտության հետագա զարգացմանը մեր երկրում:

Պատմ. գիտ. դոկտոր Ն. ՀՈՎՀԱՆՆԻՍՅԱՆ